

草木典

草木典第二百七十二卷

楠部彙考

釋名

楠山海經

天鹽靈草篇

木鹽通志

五楠開寶

酸桶拾遺

鹽麩子開寶

叛奴鹽拾遺

鹽膚子綱目

鹽梅子綱目

鹽棗子綱目

楠圖



山海經 中山經

橐山其木多櫛木 今蜀中有櫛木七八月中吐穗穗成如有鹽粉著狀可以酢羹

本草綱目 鹽麩子釋名

陳藏器曰蜀人謂之酸桶赤曰酢桶吳人謂之鹽麩戎人謂之木鹽 李時珍曰其味酸鹹故有

諸名山海經云橐山多櫛木郭璞註云櫛木出蜀中七八月吐穗成時如有鹽粉可以酢羹卽此也
後人譌爲五倍矣

集解

陳藏器曰鹽麩子生吳蜀山谷樹狀如椿七月子成穗粒如小豆上有鹽似雪可爲羹用嶺南人取
子爲末食之酸鹽止渴將以防瘴 李時珍曰膚木卽櫛木東南山原甚多木狀如椿其葉兩兩

對生長而有齒面青背白有細毛味酸正葉之下節節兩邊有直葉貼莖如箭羽狀五六月開花青
黃色成穗一枝纍纍七月結子大如細豆而扁生青熟微紫色其核淡綠狀如腎形核外薄皮上有
薄鹽小兒食之滇蜀人采爲木鹽葉上有蟲結成五倍子八月取之詳見蟲部後魏書云勿吉國水

氣鹹凝鹽生樹上卽此物也別有咸平樹鹹草酸角皆其類也

子氣味

酸鹹微寒無毒

鹽霜制汞硫

子主治

陳藏器曰除痰飲瘴瘧喉中熱結喉痹止渴解酒毒黃疸飛尸蠱毒天行寒熱欬嗽變白生毛髮去頭上白屑搗末服之

子發明

李時珍曰鹽麩子氣寒味酸而鹹陰中之陰也鹹能輭而潤故降火化痰消毒酸能收而澀故生津潤肺止痢腎主五液入肺爲痰入脾爲涎入心爲汗入肝爲淚自入爲唾其本皆水也鹽麩五倍先走腎肝有救水之功所以痰涎盜汗風濕下淚涕唾之證皆宜用之

樹白皮主治

開寶曰破血止血蠱毒血痢殺虺蟲并煎服之

根白皮主治

開寶曰酒疸搗碎米泔浸一宿平旦空腹溫服一二升

李時珍曰諸骨鯁以醋煎濃汁時呷之

根白皮發明

李時珍曰按本草集議云鹽麩子根能輭雞骨岑公云有人被雞骨鯁項腫可畏用此根煎醋吸至三椀便吐出也又彭醫官治骨鯁以此根搗爛入鹽少許綿裹以線繫定吞之牽引上下亦釣出骨也

棕部彙考

釋名

棕

爾雅

卽來

爾雅

松楊

拾遺

棕子木

綱目

棕圖



爾雅 釋木

椶卽來

注今椶材中車輞

疏椶一名卽來郭云今椶材中車輞本草唐本註云葉似柿兩葉相當

子細圓如牛李子生青熟黑其木堅重煮汁赤色爾雅云椶卽來是也

本草綱目 松楊釋名

李時珍曰其材如松其身如楊故名松楊爾雅云椶卽來也其陰可蔭涼故曰椶木

陳藏器曰

江西人呼爲涼木松楊縣以此得名

集解

陳藏器曰松楊生江南林落間大樹葉如梨

馬志曰椶子木葉似柿兩葉相當子細圓如牛李

生青熟黑其木堅重煮汁色赤郭璞云椶材中車輞八月九月采木日乾用

木氣味

甘鹹平無毒

木主治

唐本草曰折傷破惡血養好血安胎止痛生肉

木皮氣味

苦平無毒

木皮主治

陳藏器曰水痢不問冷熱濃煎令黑服一升

杭部彙考

圖闕

爾雅 釋木

杭魚毒

注杭大木子似栗生南方皮厚汁赤中藏卵果疏杭一名魚毒

賈思勰齊民要術 杭

廣州記曰樹似栗赤色子大如栗散有棘刺破其外皮內白如脂肪著核不離味甜酢核如荔枝

總部彙考

釋名

榕木 拾遺

鵲不踏 綱目

榕圖



本草綱目 櫟木集解

陳藏器曰生江南山谷高丈餘直上無枝莖上有刺山人折取頭茹食謂之吻頭 李時珍曰今山中亦有之樹頂叢生葉山人采食謂之鵲不踏以其多刺而無枝故也

白皮氣味

辛平有小毒

主治

陳藏器曰水廕煮汁服一盞當下水如病已困取根擣碎坐之取氣水自下又能爛人牙齒有蟲者取片許內孔中當自爛落

櫟部彙考

圖闕

山海經 中山經

嶧山其木多櫟 岐山其木多櫟 玉山其木多櫟 葛山其木多櫟 繁縷

之山其木多櫛杻

鮮山其木多櫛杻

凡山其木多櫛檀杻

榦部彙考

圖闕

爾雅 釋木

榦栝柳

注

未詳或曰栝當爲栝栝柳似栝皮可煮作飲

疏

榦一名栝柳郭云未詳或曰栝當爲栝

栝柳似栝皮可煮作飲以時驗而知也

榦部紀事

南齊書祥瑞志永明六年四月江寧縣北界賴鄉齊平里三成邏門外路東太常蕭惠基園榦樹二株連理其高相去二尺南大北小小者傾柯南附合爲一樹枝葉繁茂圓密如蓋

杻部彙考

圖闕

詩經 唐風山有樞

山有栲櫟有柎疏柎櫟也葉似杏而尖白色皮正赤爲木多曲少直枝葉茂好二月中葉疏華如

棟而細藥正白蓋樹今官園種之正名曰萬歲既取名於億萬其葉又好故種之共汲山下人或

謂之牛筋或謂之櫟材可爲弓弩幹也

小雅南山有臺

南山有栲北山有柎傳柎櫟也

爾雅釋名

柎櫟注似棣細葉葉新生可飼牛材中車輞關西呼柎子一名土櫟疏柎一名櫟郭云似棣細葉

葉新生可飼牛材中車輞關西呼柎子一名土櫟

山海經西山經

英山其上多柎櫟注柎似棣而細葉音紐

大時之山下多柎櫟 鈴山其木多柎櫟 數歷之山其木多柎櫟 申山其下多柎櫟

中山經

甘棗之山其上多柎木

陸郇之山其木多柎櫨

女几之山其木多柎櫨

岨山其木多

柎

岐山其木多柎櫨

玉山其木多柎櫨

葛山其木多柎櫨

繁纘之山其木多

柎

涿山其木多柎

丙山多歌柎

注歌義未詳

豐山其下多柎櫨

依軹之山其上多柎櫨

游戲之山多柎櫨穀

鮮山其木多柎櫨

奧山其上多柎櫨

几山其木多柎櫨

風伯之山其木多柳柎

卽公之山其木多柳

柎

真陵之山其木多柳柎

陽帝之山其木多檀柎

柎部雜錄

丹鉛總錄謝朓詩云風動萬年枝唐詩青松忽似萬年枝三體詩注以爲冬青非也草木疏云檿木枝葉可愛二月花白子似杏今官園種之取億萬之義改名萬歲樹卽此也

檀部彙考

圖闕

爾雅 釋木

棧木于木 注 檀木也江東呼木簍 疏 棧木一名于木郭云檀木也江東呼木簍

山海經 西山經

英山其上多杻檀 注 檀木中車材音姜

揄次之山其上多械檀 大時之山下多杻檀 鈴山其木多杻檀 數歷之山其木多杻

檀 申山其下多杻檀

北山經

涿光之山其下多欒檀

中山經

歷兒之山其上多檀 陸郃之山其木多杻檀 女几之山其木多杻檀 豐山其下多杻

檀 依帖之山其上多杻檀 游戲之山多杻檀穀 奧山其上多杻檀 陽帝之山其

木多檀杻

鳥木部彙考

圖闕

本草綱目 烏木釋名

李時珍曰木名文木南人呼文如櫚故也

集解

李時珍曰烏木出海南雲南南番葉似櫚櫚其木漆黑體重堅緻可爲筋及器物有間道者嫩木也南人多以繫木染色僞之南方草木狀云文木樹高七八尺其色正黑如水牛角作馬鞭日南有之古今注云烏文木出波斯舶上將來烏文闊然溫括婺等州亦出之皆此物也

氣味

甘鹹平無毒

主治

李時珍曰解毒又主霍亂吐利取屑研末溫酒服

烏木部雜錄

洞天清錄琴足宜用棗心黃楊及烏木蓋取其堅實足之下須令平如鐵切忌尖與凹足之柄與琴之鑿必小大相當毋差毫釐若柄小而以紙副之琴聲必泛岳軫焦尾亦宜用此三等木切不可金玉犀象爲飾多誨盜併爲琴害矣

淮木部彙考

圖闕

本草綱目 淮木釋名

別錄曰淮水生晉陽平澤

又曰城裏赤柱生晉平陽

李時珍曰按吳普本草淮水生晉平

陽河東平澤與別錄城裏赤柱出處及主治相同乃一物也卽古城中之木晉人用之故云生晉平陽及河東今併爲一但淮木字恐有差譌耳

氣味

苦平無毒

別錄曰辛

吳普曰神農雷公無毒

主治